

鶴慶縣志

卷十一

鶴慶縣志

卷十一

雜紀志戌部

災異戌之一

祥瑞戌之二

星野戌之三

軼事戌之四

鶴慶縣志卷十一

雜紀志 戌部

災異 戌之一

戌之四

祥瑞 戌之二

星野 戌之三

軼事

災異 戌之一

元闕

月

天順十年四月壬午地震

成化十四年四月壬午地震

按明史成化十年四月壬午地震核與舊志所載

天順十年成化十四年兩次月日俱同疑其間

或有舛誤也

正德六年十月甲辰地震壞城垣房廨居人多被壓
死者

九年大疫死者不可勝計

十年五月六日地大震聲如雷官民房舍盡圯

十五年三月丙申地震

嘉靖三十七年秋霖雨為災象眠山麓水洞淤塞廬

舍禾稼湮沒殆盡越五十八日始消是年米價騰貴

三十八年六月二十五日夜漁塘村雷雨大作西山

崩水溢壞民居百餘所死者不可勝計郡守林養高

賦之

萬曆二十五年秋大雨雹損禾

二十六年夏旱蝗

二十七年夏大水無麥民饑

四十八年二月庚戌大水無麥已卯有雲氣黃紅變

黑霧昏暗如夜大風雨如注

已卯下十九字係據通志增入

是年冬夜恒有白氣如雲橫天數月始散旬苴鄉民

李成家豕生獅一象一獅巨口不能食尋死象捲舌
吸乳咸以為異棄之郊三日亦死甸北民李永之弟
年及冠化為女子適人

天啓元年大水

七年冬市火燬民居數十餘所

崇禎二年北衙大水居民溺死者數十人

四年大飢郡守陳開泰設粥廠三賑之冬學宮災

七年秋神龍門大孟村大雨雹損禾

八年市火燬民居數十餘戶

十年秋大雨雹損禾

讓朝

順治元年大水淹沒禾苗

按滇之奉讓朝正朔係在順治十六年王師入滇永

曆西竄之時是年為崇禎十七年五月讓朝始定鼎燕京然聲教僅及北方其大江以南及東西各邊徼完全猶明之領土則災祥自應仍明是屬惟舊志於康熙之世東筆者特本春秋大一統及紀元以正

其始之義大書順治元年臣子尊王相沿已久
茲故仍前志不加改易而特紀其寔於此云

康熙元年大水淹沒民田無算

二十七年地震壞城垣樓閣官廨民居甚夥每一震
聲吼如雷水為沸三日乃止

夏四月朔大雪積深三尺傷豆麥壞屋

三十八年市火燬民居百餘所先是二月前有白燕
掠東門出後燕過處皆燬人以為燕字文下從火蓋

已為之兆云

四十六年七月大水淹沒禾苗無算

五十三年六月淫雨水大漲月餘未消淹沒禾苗近
千頃

七月白燕仍從東門出民相誠慎大後竟無恙

五十六年十一月大雪值疆吏巡邊供役民夫凍死
者以數百計

按雲南事略作為五十七年

乾隆三十七年鼠疫人繼之次年又疫

嘉慶二十一年大饑民死亡者甚眾

二十二年又饑

道光十三年八月地震九月又震

咸豐九年彗星見於西方大如帚觀音寺瓜藤結如

龍形

同治六年雲鶴村照壁山蛟翻隕石不計其數

十一年金沙江水白如乳三日後澄清如故兩岸積
有土厚三寸許

光緒三年淫雨水漲落水碇阻塞水入城東門淹沒
村屯無數廬舍皆圯

四年獨豬下壩由西山麓湯乾經辛屯大夫屯各村
過東山

五年至十四年東區松桂每屆七八月間大疫發熱

後身起結子如彈丸三兩日或對時即死號痺子症
先後死者以數千計

八年蚩尤見於東方長如匹練

十一年松桂大火市廛燒燬者百餘家十月二十
一夜星隕如雨

十六年思地登獲豹八月初大雨雪時疫繼作城鄉
死者甚多

十八年毛蟲食柳盡枯城鄉皆徧

十九年七月西邑甲高姓雌雞化為雄是年冬地震
東南方黑青見十一月二十一日夜地動有聲移時
天鼓鳴

二十年三月大雨雹傷負郭隴麥無算夏五月下庄
獲豹

二十一年漾共河決辛營

二十三年三月安豐樓災延燒市肆百餘鋪先是有
一道士不知所自來手托一盤內貯杯箸各一入市
喃喃作偈曰冥冥冥不信但看三月半市人目以為
癩未幾三月十一夜火遽作層樓上四面烽起延燒
市肆百餘所幣帛之受損失者以千萬計是歲十二
月地震北衙尤甚

二十六年九月地震十月又震十二月二十七又震

北衙玉皇閣後山崩是夜有白光見於南方延長至
北可三十餘丈次夜復然同歲西山崩聲聞數里

二十七年四月地震

二十八年七月地震是歲八月雪山見又四山皆雪
穀不成實同月班城村瓜蔓結如龍形

二十九年五月雨雪封山同月左營署內雄雞生卵
三一白一紅一黑六月黑青見

宣統三年二月彗星見於東方長二十餘丈經旬始
沒沒後另一彗星見於西方形大如帚

民國元年夏五月螟螣為災食秧苗殆盡

二年大水阱平地蛟翻壞秧田數十畝

四年四月蝗不成災

六年有白光起漁塘村南圓如鏡大如箕逾時始滅
是年八月二十日酉時龍珠旬雨雹大如卵禾稼顆